



# QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis

24 Februarii 1724.

M. CLAUDIO BRUNET,

DOCTORE MEDICO PRÆSIDE.

*An frequentiores atque Periculosiores in variolis præjudicata opiniones?*

I.

FELIX qui potuit morborum causas cognoscere. Nodis ætiologiæ expeditis curatio felicior. Hæc veritatem speculationis significat. Duo Medicinæ adminicula commentatio & experientia sibi mutuò opitulantur. Ætiologiæ variarum ignarus iis curandis non se accingat. Cujusvis est hominis errare, nullius nisi insipientis perseverare in errore. Obijcitur quod viam experientiâ compertam insistant; nullis imbuti præceptis methodum multis abhinc annis adhibitam deferere nefas esse ducunt. Vitio malignitatis humanæ vetera semper in laude, præsentia in fastidio sunt. Hypotheticas narrationes, fabulosas, progressui Medicinæ plurimum obesse non diffiteor. Medicus in perpetuâ quidam sit vigiliâ contrâ vanas contemplationis illecebras, & otiosam mentis evagationem: Longè plûs à sapientibus viris usui quàm præceptioni tribuitur. Utrumque tantum requiri nos docent. Commentatio & actio æquè necessaria. Experientia quam non regendam suscipit ratiocinatio, in errorem inducit: Qui speculationem experientiâ temperat operis pretium ducturus peritus artifex ab inscio distinguitur. Hic præjudiciis ductus causas, naturam, symptomata, &c. variarum ignorans, sub onere lapsurus, si ingens earum curationis opus attigerit. Ne quid desit ad probandam doctrinam & experientiam ad ceteras miseras aliud etiam accidit incommodum. Per anomalias aeris, inversos tempestatum ordines, contagiosa miasmata, insolitam nonnunquam contrahunt malignitatem, tunc intenta sit Symptomatum observatio, nulla cujuscumque rei necessaria omisso; jugis recordatio nihil inutile movendi, in naturæ factis motibusve interpretandis nulla temeritas. Summâ observandum 'curâ quidquid ad salutem ægri resarciendam pertinere intellexeris, liber sit animus ab omni præjudicatâ opinione ut sentiat morbi naturam, genuinam faciat medicinam. Errant qui variolas diverso respectu ac alios morbos non considerant. Earum naturam nosse fateat, ut ab aliis distinguantur. Symptomatis nimis quam par est non commoveberis modo ambigua illorum species tibi comperta fuerit: Crises patiuntur potius quàm morbos ii qui pusillis hujusce generis variantur. Morbi hujus solutio naturæ feliciter creditur, duntaxat cadit in illam tam absolutum opus. Non concludendum variolas absque remediis subsidiis curatas iri. Medendæ valetudini opem Medicinæ inutilem perperam prædicas, cujus sanatio naturæ juris est ac mancipii. Quasi verò Natura non adjuvanda ut feliciter operaretur? Partis inter opera Naturæ profectò censetur; quot puerperæ vitâ excederent nisi partu scitè levarentur? Aliquando Natura adeo fatiscit ut concoctionem humorum, eorundem secretionem absolvere nequeat. Humores tanto motu sæpius eiciunt ut secretiones inhibeantur. Cribrum magis aut minis quàm par est comminutum non ritè succernit.

A

32.



Non raro cutis stricta ac densa abitu Colluviei humorum sepi. Materia noxia felici cum successu per salivam aut alvum eliminatur, aliis humores motu cordis spasmodico vasorum succussu, materiæ organico prætermodum agitantur, vasa plus æquo distensa diffinguntur. Quæ data porta quasi ruit sanguis, liberalis hæmorrhagia non raro leviorẽ reddit morbum. Magnæ tum diligentia, tum etiam prudentiæ ægrotantes in tali procinctu ad sanitatem perducere. Caput est nosse an hæ fluxiones sustendæ aut promovendæ; risum movet imperita multitudo in decursu variolarum spatio eandem ægrotum rationem habendo. Varia hujus morbi tempora, diversos statibus ignorat. Primum æstus febrilis quo materia iteratis solidorum concussionibus, frequenti globulorum sanguineorum occurssu ad abscissionem componitur. Secundum exitus sive eruptionis quo materia prius divisa corporis habitum appetit. Tertium denique maturationis sive suppurationis quo congeries glandularum in purulentiam atque crassas resolvitur hic morbus phlegmonis naturam refert ex cruditate decedens, maturitatem deinde assecutus demum arescit. Diversis his temporibus contraria curatio adhibenda. Res in pejus ruit cum variolæ in gulam, intima corporis ingruunt, inflammantur viscera, humores stagnatione subsistunt, in devitis semitis oberrant. Quæ incommoda ut vitet Medicus nimis cautus in singulas horas esse nequit. Contrâ Symptomata id genus pugnam non capebat arte medendi imperitus iis debellandis non suffecturus. Ne putes hoc morbi genus, antiquis Græcis incongnitum, Arabum ætate natum. Hujusce novitatis mentionem fecissent in suis scriptis Arabes. Hippocrates, Galenus, Aëtius plurimos morbos exanthematis stipatos describere. Hæ descriptiones non omnino cum nostris variolis convenientes non te dent intricatum. Nostras variolas ejusdem generis non semper apparere neminem latet. Similes iidemque morbi aliis atque aliis sæculis ex diversitate regionum videtur, &c. quasdam mutationes & differentias accipiunt. Ex quâ materiæ ortum habeant variolæ dictu difficile. His causam plurimi assignant reliquias quasdam mensuri sanguinis, quo fetus in utero alebatur. Aliquam qualitatem venenatam in hoc excremento comminiscuntur; hæc lethifera potestas prorsus antiquata videtur. Nonnulli causam hujusce morbi quibusdam chyli reliquiis tribuunt qua ratione Natura variolarum patefiat ad causam generalem omnium morborum confugiendo. Causam immediatam & proximam variolarum detegere satagis? Sanguinæ massæ naturam rimare, assequere. In eâ hujus morbi fons & seminarium. In pueris infantibusve etiamnum permanet, consopitur anomaliis tempestatum, vicibus erroribus, &c. efferatur, Naturæ vi propellitur, foras profilit, in cute efflorescit. Is certe variolas curaturus est quem prima origo earum causæ non fecerit.

## I I.

**N**OBILISSIMUS liquor sanguis, sui ipsius vitæ, sanitatis, functionum omnium auctor, conservator, reparator, tot munera suscipit, exequitur mirâ simplicitate, unicâ namque constat sibi propriâ partium specie, rubrâ nimirum: hæc globosa est summè mobilis, actiosa, omnium corporis humani bonorum effectrix. Sanguis propriè dictus, aliis quotquot sunt sanguinæ molis partibus utitur tanquam materiâ sibi subiectâ quam ita movet, exercet, modificat, ut eam ad omnes ad quos destinat usus efficiat aptissimam. Materiam habet ab albâ fibrosâ sanguinæ molis parte, formam à scipso. Pristinam quandoque resumit formam fibrosam nimirum à suâ mobilitate facile degener, ut in viscerum inflammationibus. Quandiu rubra sanguinæ molis portio aliis quantitate sufficit, tamdiu (modò sui juris sit liberæque sint viæ) omnium liquorum choreas ducit, quasque corporis pervadit partes, singulis motum, calorem, nutrimentum, &c. allaturâ. Verum si aliis quantitate vincitur, tunc moles facta tardigrada sibi ipsi impedimento est ubique hæreere semper parata. Minoribus cedit obicibus vasa capillaria sanguifera ægre trajicit lymphatica facile subbit, ingurgitat, partes inflammatione tentat, easque potissimum quas majori quantitate cogitur pertransire. Fibrosarum molecularum lymphæ in globulos conversio eorumque in easdem reductio te suspensum habent, tenentque sollicitum? Nutritiæ stude moleculæ, eam oculis animi sequere, meditare. Ex alimentis, maceratione,

3

tritu, subactione, &c. elicitæ, fit chylus: Ad sanguinem usque perducta & cum eo per corpus circumducta, vel partibus inhæret, eaque nutrit, vel sanguini permixta remanens, undique, semper, & ubique pressa, percussa in fibræ extenditur, & tunc lymphæ est quæ modo chylus erat. Fibræ facta, nutritia molecula & inter globulos sanguinis contenta, cuiusdam visciditatis semper particeps si prope axem alicujus globuli leviter inhæreat vorticoso ejusdem globuli motu volvitur in globum & tunc rubra est quæ modo alba erat, si minus volvatur in globum, fibriformis remanens extensionis tandem ulterioris impar, indefinentibus tum globulorum ictibus, perenni vasorum oscillatione, jugi circulatione in minutissimas particulas teritur, disrumpitur in succum nerveum abitura, vel per insensibilem transpirationem tandem eruptura. Ut primum fibræ convoluta est globulus recens factus; crassius admodum est, mollis, laxus, sed à circumstantibus globulis undique fortiter & continuo pressus stringitur sensim, sensimque tenuior fit. Quantamcumque verò tenuitatem acquirit globulus numquam ad perfectam pervenit soliditatem sed semper compressibilis existit, nec pristinæ suæ formæ, fibræ nimirum, immemor, eam levi de causa resumit seseque in fibræ de novo extendi sinit & tunc alba fibræ est qui modo ruber globus erat; rediviva fibræ præterfluenti sanguini reddita rursus volvitur in globum, in fibræ brevi forsan evolvendum. Posita hæc simplicissima mechanice quam astruit D. Gelly Doctor Medicus Parisiensis litteratissimus ac exercitatissimus in eleganti thesi de Peripneumoniâ \* quæ typis non mandata est facile concipies cur in viscerum inflammationibus, obstructis, ingurgitatis & dilatatis vasibus sanguiferis, sanguine moles tam cito rubrum ac genuinum amittit colorem, globulis scilicet sanguinis minus pressis maximam partem evolutis tum à materiâ subtili, tum à salium sulphurumve particulis eos tunc facile subeuntibus, explicantibus: cur missi tunc sanguinis superficies alba coriacea & fere cornea conspicitur in fundum pelvis præcipiti exigua superfuitis rubri sanguinis parte, cur sedatâ inflammatione suum tam brevi relinquit ruborem, cur evasatus sanguis & omnis circulationis expertus totus in albam substantiam, pus nimirum, convertitur, ut in abscessibus. Globulos sanguineos, glandibus plumbeis, lympham albumini ovorum compara: hoc cum glandibus agitata liquefit; illa unâ cum globulis sanguineis circulando tenuior fluidiorque evadit. Contrarium in infantibus contingit; eorum fibræ laxitate, mollitie donatæ debiles parient oscillationes, sanguis non fortiter cuditur, globuli eorum sanguinis molles ac pauci sunt: hinc lymphæ redundatio, crassities. Hanc dyscrasiam lymphæ in infantibus arguunt morbi iis proprii à lymphatico latice superabundanti orientes; parvis quidem & recens natis aphtæ, vomitus, tussis, vigilie, umbilici inflammationes, aurium humiditates: qui nati sunt majores tonsillæ inflammatæ, asthmata, calculi generationes, verrucæ pensiles, stranguriæ, strumæ & alia tubercula, &c. Hactenus divinus senex exactum morborum infantum agmen refert aphor. sectione 3. sic ut in iis variolæ maximè designatæ sine ullâ dubitatione dignoscantur. Prout sanguinis motus intensus aut remissus fuerit fibræ vividius aut languidiùs vibrantur diversi morbi jam jam allati exoriuntur, lymphæ ad transpirationem & secretiones varias minus apta, nimia quantitate in sanguine congesta, cum eodem partim circumflua, partim intus vasibus & visceribus hærens globulorum sanguinis ejus divisionem debiliter molientium irritos conatus eludit, renuit, imò ipsosmet globulos ita implicat, ut ad vasa minima plus æquo renitantur humores. Sanguinis motus effertur & invalescit, vel aucto aëris claterio vel inquinamenti contagiosis, non raro animi perturbatione aut nimia corporis agitatione, aliove diæte errore, fluida sus deque confusa pervertuntur, arteriæ degenerem eorum massam crebriùs eudunt conficiunt tritusve solidiorum augefcit, calor prius ad naturam accommodatus ignitam induit indolem, febris corpus extorret, coherentes lymphæ particule secundo hujusce turbidi motus intervntu divisæ ac evolutæ ad glandulas cutis appellantur, halitu diffillant aut in glandulis turgescunt, pustulæ formantur, œconomia animalis graviter perturbata ab humoris noxii onere liberatur. Sanguis & viscera expurgantur,

\* *An Peripneumonia ibi cinis sanguis* †

4

redundantia ac crassities lymphæ, morbi fons & origo, evanescit, globuli sanguinei copiosiores firmiorem structuram sibi vindicant, intricati expediuntur, in fibras evoluti iterum convolvuntur, ægotantes pristinam insuper valetudinem recipiunt, modo in iis curandis non oberraverint vel morbus adeo malignus seu lymphæ superabundans tanta prædita fuerit crassitie ut ægrè curationem admittat, quod rarò fit nisi variolæ serpant epidemice.

### III.

**V**ARIOLÆ quemadmodum alii morbi plerique in nisu ac conatu naturæ versantur. Alicujus humoris noxii divisionem, excretionem molientis. Citius aut tardius prodeunt pustulæ ratione majoris vel minoris crassitie, copię lymphæ, vel fortioris aut debilioris fibrarum elateris. Ex doctrinâ Hippocratis aphor. 28 sect. iij. Plurimæ quidem affectiones pueris judicantur, aliæ in quadraginta diebus, aliæ in septem mensibus, aliæ in septem annis, aliæ ipsis ad pubertatem accedentibus: huic morbo se eximunt qui fibras bene constitutas euntia pollentes fortiuntur. In iis divisio lymphæ tacitis idibus conficitur, ejus exuperantia inhibetur qui semel laborarunt hoc morbo salvi ac immunes non habentur nisi glutinosa lymphæ omnino emendetur, luxurians imminuatur, fibræ tenorem firmum ac naturalem sibi comparent. Alia Symptomata variolarum hanc ætiologiam confirmant utpote quæ iis explicandis apprime inservit, qui in hunc morbum incidit defatigatione quâdam ingrevescit, oscitat, pandiculatur, exhorrescit, sævâ divexatur tussi, capite, dorso, lumbisque dolet, æstu jactatur, arteriæ crebrius micant, calor ex intimis cooriens præcordiis, in universum corpus diffunditur, cutis rubicundum trahens colorem molesto quodam punctiōis sensu afficitur quasi aculeis confingeretur, stomachus nauseæ gravis sæpe exoneratur, frequens corporis jactatio, summa virium dejectio per quam ne cibus quidem optimus cor recreat, nunc somnus pavore interruptus, nunc vigiliæ molestæ; diversitas in urinis summa, rubræ, claræ, turbidæ, sanorum similes, paucae, cruentæ, multæ prodeunt, aliquando non excedunt, alvus vel cita vel astricta, os vel siccissel vel topiosa affluit saliva, pruriunt nares, non rarò sanguinem fundunt, is quoque per pulmones, per alvum emittitur, oculi tument, coruscant, illacrymantur, vox raucescit, ægrè ducitur spiritus, rubescit facies, ac tumescit, artus tremunt, strident dentes, deliria, motus convulsivi incidunt. In vultu, manibus, in reliquo denique corpore circiter tertium vel quartum diem rubræ efflorescunt maculæ, quæ mox augescentes pustulas numero, magnitudine dissimiles efformant. Hæ in abscessus abeunt, vel sparfos sive distinctos, vel sibi mutuo continuos sive confluentes, ratione conclusi ichoris variè coloratos, nonnunquam iteratis vicibus emergunt occulunturve pustulæ, aliàs non simul erumpentes aliæ aliis sufficiuntur, aliàs unâ cum morbillis & petechiis prodeunt. Sæviùs exercentur confluentibus quam discretis decumbentes nisi viscidior lymphæ prætermo dum redundet aut ali quid motui naturæ adversetur. Nullus sexus, ætas nulla earum immunes prostant infantes sæpiùs, perrarò tentantur senes. Lympham vi, crassitie, copiâ vel in ætate provectis globulos sanguinis vincere non impossibile est. Errores viciùs varii partis rubræ sanguinis robur infringere, lympham augere valent; tunc sanguis lento gradu vasâ permeans in minimis subsistit, devias semitas sumit, viscera infarcit, glandulas obstruit, hinc febris, inflammationes partium, deliria, difficultates spirandi, dysentericæ, pustulæ, &c. nonnunquam hæc dyscrasia à miasmatis contagiosis inducitur cum variolæ epidemici speciem morbi induunt ac in aliquâ regione gliscunt ac sæviunt. Hæc strages contagio admodum nocenti ascribenda, quiquid à nonnullis reclametur, variolas inter morbos contagiosos recensendas esse probat exitialis exitus earum inoculationis temerè susceptæ. Turcæ guttam puris è pustula punctis exceptam vulneri cuti leviter insicco instillant. Sinenses turundam eodem pure imbutam in nares intrudunt. Sic variolas subeuntis à metu morbi in posterum redituri vacare afferunt. Omnibus notum hanc curationem hisce temporibus quosdam adhibuisse Europæos ausu promptos: spem hæc operatione utentes frustrari experientiâ discitum est. Licet malè res ceda, contagio variolarum extrâ omnem controversiam ponem-

4a. *Lympha semper atque semper glutinosa levi de causa summum lentorem sibi comparat; ne mireris miasmata illi summam crassiciem impertire, his adde quod si fides sit adhibenda iis qui de inoculatione scripserunt hanc operationem frustra institui in iis qui hoc morbo perfuncti debito modo curati fuere maximo dicendi argumento miasmata huic morbo producendo non suffectura; nisi lentor ac redundantia lymphæ suum symbolum præbeant. Nunquam agros tam magno periculo vidisti medius fidius. Jam perire variolis laborantes, symptomatis diris ac lethalebus exercentur, humores nobiliores à crasi naturalis deficiunt. Ad tibiales non ideo mittas, salutem à Naturâ expecta, modò illius leges venereris, nec ab illa doceri ac duci crubeas.*

#### IV:

**A**D decretorium hujus curationis accedere velis? Ne febrilem sanguinis motum plus æquo intendas aut cohibeas ut divisio & lymphæ secretio ad prosperos perducantur exitus. Omnes nervos intendas ut circuitio humorum restauretur, partis rubræ sanguinis redintegræ subsidio lymphæ crassa dividatur, redundans discutiat quod apud antiquos concoctio audit. Huic morbo laboranti qui aptè mederi cupit talia adhibeat præfida quæ globulos sanguinis partim restituere degeneres, partim imitricos expellere, cæterarum sanguineæ molis partium circuitum redintegrare & humores præternaturales redundantes aut excrementitios per vias convenientiores foris amandare valeant. Cum natura propriis nixa viribus ritè procedit, artis opere non tentanda quæ natura sibi relicta perfectura est. In maximum discrimen agros adducunt qui in omnibus variolis Diaphoretica, Bezoardica, Cardiacæ indiscriminatim in usum vocant, hinc fervor humorum & sævitia, viscerum incendia, ruptiones vasorum, fibrarum contractions. Solidorum durities, oscillationes blandæ ac naturales partium pervertuntur, seu quod idem est humores subsistentes ubique circulari nequeunt, in quo totius curationis cardo vertitur. Haud minus periculum est calidioris diætæ, febrivioris aëris nimium æstium non minus quam intempestivum corporis refrigerationem pertimescas. Cubiculo non æstuent, stragulis non obruantur ægrotantes. Largus potus præsertim non denegetur: alioquin corpus succis aqueosis & diluentibus sudore & febre exauritur: solida rigescunt, fluida crassiora facta torpent, motu circulatorio orbantur. Stases accedunt, viscera exuruntur, omnes partes cum solidæ, cum fluidæ in virus putre colliquescent & tabescunt. Frænis non calcaribus indigere id morbi genus consentiunt omnes. Febris nonnunquam sævit, plena tument vasa. Sanguis violentius quam par est elatus sua vasa permeare nequit, suo circuitui ipsemet officit, sibi ipsi viam præcludit, omnia comprimuntur incernicula transpiratio sistitur, humorum circulatio feriat. Ideo causa morbi, lymphæ crassa nimirum nec dividi nec eliminari nequit. Secretiones omnes quemcumque abitus obseptum offendent, infarciuntur viscera, lethales imminet inflammationes. Quis putat vel leviter præceptis Medicis inbutus hæc omnia incommoda absque sanguinis missione sufficienti quantitate celebratâ avertenda fore: hoc vacuandi genus variolis alienum existimant quamplures: hanc medicinam formidant. Age miserabili errore certoque vite periculo, incertum rectumque salutis iter revocandi. Sanguine sufficienter detracto febris se remittit, compressio, tensio, tumor, erechismus vasorum auferuntur lymphæ glutinosa liquefcit, si quidem humorum circulatio redintegratur. Hæc via humores pristinam tenuitatem ac naturalem duntaxat recuperare valent, lymphæ redundantes, transpirationis, &c. Secretio promovetur, expeditior via omnibus humoribus comparatur: immoderati ac devii cum solidorum tum fluidorum motus componuntur. Natura in viam ac ordinem reducit. In exemplis sunt narium hæmorrhagiæ, ante eruptionem abortæ, necnon catamena toto variolarum cursu modicè fluentia, hæc profluvia spontanea maximopere agros juvant. Tutè ac certò agis viam insiciens quam præmonstrat Natura. Tanta est vis pondusque hujus argumenti, ut ne hiscere quidem audeat quisquam. Sanguinis detractioni assentiuntur dummodo ante variolarum eruptionem instituantur. Hoc illud est extremum vallum quo se recipiunt ceteris depulsi munimentis: antequam pustulæ prodierint coactus Symptoma-



tis sanguinem emittis potiori jure cum cutis papulis exasperata est hanc detractionem tentare non expedit nisi illam exegerit morbus. Docet Hippocrates aph. 29 sect. ij. *per morborum acutorum initia si quid movendum videtur movere*. Ineunte morbo nihil intentatum relinquo, etsi omnem cogitationem curamque in præcavendis Symptomatis initio impenderis, nonnunquam lymphæ adeo tenax est ut cum acmen afflictus fuerit morbus horrendum in modum aggravescat. Humores ubique remorantur, omnes infarciuntur partes, ægè ducitur spiritus, partibus respiratori infervientibus læssitis propemodum præfocantur ægri. Copiosus vomitur sanguis, vel per anum vel per urinam egeritur, aestu febrique jaçantur. Vix è trepido sopore arcantur, delirio vexantur, motibus convulsivis & epilepticis fermè opprimuntur. Ut primum in pejus mutata sunt omnia aliquam materiam nescio quam in corpore retineri ac naturæ ejus egestionem incassum molienti obfistere suspicantur, nec mora quidquid excogitare possunt ad corpus & præcordia calefacienda tentant ut eruptioni promoveatur. Fenestras foresque cubiculi ne quid affleturæ obserari diligenter jubent, languentes ægros multâ sub veste se continere, quàm calidissimo cibatu, jusculis succi plenis, exiguo mero sed quàm austerissimo, saccharo, & aromatis medicato refici. Perversâ curatione eò adducuntur ægri ut ultimum adesse discrimen facile intelligatur. Jam tempus est iis auxiliari. Levamentum erit expeditum si fludorum circuitus, solidorum naturalis tenor restituantur: mira hæc præstant sanguinis missio, leniens dilensque victus ratio. Ne regeras ea fervorem sanguinis extrudendis variolis opitulantem extinctura fore. Iis utimur cum humores prætermo dum astant, nimius aestus magis obstat huic excretioni critica, quam humorum motus paulo remissior. Sed quod majus est non tam excretioni quam divisioni humorum consulas. Secretio divisionem humorum arguit non vero procreat & (ut loqui amant) tanquàm signum non verò tanquàm causâ habenda excretio. Remedio superfedas cum gravia non urgent Symptomata vel febris leviter augefcit, quod circa nonum vel undecimum diem variolis suppurantibus plerumque contingit. Diluentia ac temperantia duntaxat exposcit hæc febricula. Hoc unum opponunt, quod gravissimi quidem momenti existimant, venæ sectionem humores à circumferentiâ ad centrum subducere. Idèò naturam à variolis foras eliminandis avocari. Ex Physicis constat liquores eò decurrere ubi minorem offendunt resistentiam. Depletis vasis sub cute perreptantibus ad eas sanguis velut agmine factò irruit. Humores per glandulas subcutaneas secernendi unâ cum eo ad corporis circuitum pertingunt. His de causis sanguinis missio morore confectis, perculsis terrore, multum prodest utpote quæ viscera sanguine obruta liberat. Sanguine ad peripheriam corporis appellente tensiones fibrarum minuuntur. Pars quâ sanguis detrahendus symptomatis propriis variarum affectione partium definitur. Experienciâ compertum pectori venæ sectionem brachii, cerebro verùm inflammato sanguinis è pede missionem competere. Hic observanda veniunt quæ de derivatione aut revulsionem referunt Authores. Inflammatione abdomini imminente saphe-na pertundatur, modò venæ sectiones è superioribus partibus sufficienti quantitate præcellerint, quominus sanguis affatim ad partem inflamatam irruens morbum exasperet ne pecces contrâ leges ratione & experienciâ sancitas quas observare sit religio, præsertim in acuto & ancipiti morbo, quales sunt variolæ quocumque alio nonnunquam periculosiores in quibus nulla spes impunitatis, maxima peccandi illecebra, minima in iis curandis delicta consequuntur gravissima incommoda.

V.

**M**A X I M A pars materiæ variolarum ad circumferentiam corporis plerumque ablegatur. Glandulas in hac parte disseminatas subit, per vâscula earum quæ excretoria appellant egeritur. Aliquando effusissimis habenis alias partes invadunt variolæ quod ita fieri copiosè salivæ excretionibus alvi fluxionibus quæ variolis laborantes ut dicam quod res est exercent, sed iis non rarò levamentum afferunt. Quid nî naturam æmuletur Medicus materiam ad has partes allicere & per eas extrudere satius est quam si in corpore redundans partem nobiliorem occupaverit. Propositum assequeris cathartica & emetica ritè adhibendo: hæc maximam humoris noxii partem

suffurantur; principio morbi apprimè conducunt: antequàm materia fluctans in  
 viscera impegit reprimenda ac vacuanda. Præfarc antimonialia multiplici nomine  
 norunt omnes. Hoc vacuandi genus interdicitum ne exiltimes, modò humores eò du-  
 cantur quò vergit Natura, optima magistra ex suis factis præcepta depromit. Purga-  
 tione præferim utaris, cum stomachus sentiat gravis nausæa: humores torpescunt  
 ac veterno quodam detinentur huic torpori oppidò medentur vescantia. Imprimis  
 animadvertendum hoc remedii genus venæ sectione & emeticis tardius operari. In  
 morbis acutis cunctatione nihil periculosus. Ut vescantium usus ad frugem vertat  
 corporum nostratum teneritudini & in spasum proclivitatè consulas oportet, vis-  
 cerum fervoris, nervorum exarescentiæ rationem habeas. Eà lege usurpabuntur ubi  
 sopore obruuntur sensus vel ubi maligni quo nervi infestantur seri partem diverti  
 aut præoccupari dect, vel cum alio vertendus fibrarum oscillantium motus fluidorum  
 impetum mutaturus, qui parti fit rubor quique urit dolor indicio sunt illà facti san-  
 guinis confluxus qui sic à cerebro ad hanc partem averfus deturbatur, quam subeun-  
 do à semitis cerebri reducti humores alias ingrediuntur; hæc peragrandò trans  
 ea quæ offendent secretoria, maligna quibus infestantur morbi miasmata foras as-  
 portant. Omnis ferè virtus vescantium perinde ac aliorum omnium remediiorum  
 potius in solida quàm in fluida, si quidem seri copiam pauciorè eliciunt ut ab  
 hac egestione eorum potestas deducatur. In censu vacuantium variolis præscriben-  
 dorum non proflus negligenda clysmata. Quot & quanta incommoda excrementa in-  
 durata & retenta non inducunt? Hæc congeries coacervata dissipatione seri desiccata  
 diuturniore mora computrescens intestinis varias movet turbas: vicinis partibus noxam  
 communicat, labes sanguini propagatur. Hinc inflationes, distensionès, ardoresque  
 abdominis, tormina, vomitiones, diarrhææ. Compressis majoribus vasè ac præ-  
 cordiis sanguinis cursus perturbatur, cohibetur, febrilis æstus augefcit. Sudores irri-  
 ti & auxii, cephalgiæ, oculorum caligines, deliria, vigiliæ. Non malitiæ morbi  
 tribuenda quæ alvo sponte vel medicamenti ope tempestive solutà aliquando sedantur.  
 Apagè illorum timorem solutione alvi transpirationem inhihibendi, quasi verò  
 transpiratio extus & intus non perageretur: hanc posteriorem excretionem ab ene-  
 mate excitatam iri non inficiaberis; à diaphoreticis non omnino abstineas. Si iis  
 opus videbitur adhibeas quæ fluida non exagitant, solida non irritant, humoribus  
 divisionem atque circuitum largiuntur, fibras ad oscillationes naturales reducunt.  
 Hunc scopum assequi velis? Narcotica una cum diaphoreticis præscribas. Hanc per-  
 mixturem non probaturam esse infciam multitudinem expecta. Omnia remedia fri-  
 gida in variolis suspecta habent. Hypnotica hæc qualitate donata falsò existimant:  
 papaverina partibus volatilibus refertissima frigiditate quis arguere potest: nullum  
 remedium reperire fas est quod humoribus crassius dividendis, coagulatis comminuen-  
 dis, subsistentibus promovendis aptius existat. Oleoso volatili spiritu turgent ejus  
 opera à stasibus sanguis sese expedit solida eutonium sibi comparant, morbida fibra-  
 rum tensionis nimietas frangitur, rigere cessant partes à spasmo liberantur, ad na-  
 turales se recipiunt directiones, compefcitur sanguinis æstus, stomachus placatur, de-  
 mulcentur viscera, pyralismus nec longius protrahitur nec maturius declinat, deli-  
 ria sedantur, hæmorrhagiæ mitigantur. A Narcoticis metuet minus qui noverit quan-  
 tum ab iis juvetur diaphoresis, atque diaphoreticorum potestas intendatur. Opiatica  
 in genere cardiacorum posita, inter remedia recensenda quæ variolis præsentinea  
 fermè audiunt: Te incessit metus ne partibus actuosis & aromaticis opiatiscique san-  
 guinis exandescat, febris augeatur, non mediocre variolis fiat periculum? Narco-  
 tica acidis, emulsionibus, julapiis admixta adhibeantur. Liberalis sit diluentium;  
 hordeatorum usus, sub hoc morbo ab imo corporis centro ad ultimum corporis ha-  
 bitum ducendos humores; immensè ductilis sit sanguis oportet. Id à potu copioso &  
 calente expectare licet, maxime si intervenerit Narcoticorum usus. Hæc ratione pan-  
 duntur humores, dilatantur, protenduntur & ad limites corporis remotiores produ-  
 cuntur, verum cutem asperè incessit morbus eam permulcere ac mollius tractare  
 competit. Incumbant faciè parcendæ & cunctandæ ne fœdusculè exasperetur ac dis-

formetur : ( quod caput est ) cuti univcrsum corpus invcſtienti cura impendatur. Quod ad progrcſſus vel reſreſſus variolarum maxime ſpectat de frigore & nimio aſtu vitando dicim : inpraſentiarum de linteorum mutatione : ea mutare placulum vulgo ducunt antequam ægri ſymptomatum procellâ planè perfuncti fuerint. Quæ malum eos ratio impellit ut agrotantes illuvie & ſqualore obſitos, ingenti ſtromatum pondere preſſos manere jubeant. Manat è membris omnibus ſudor, ardent ſiti, diſcruciantur doloribus acerbiffimis, linquantur animo, nihilominus inter calida ſomenta pedore pœne conſecti cohibentur. Timèntne linteis mutatis læſio ſtragulis levato tranſpiratio inhibeat? Dum vitant vitium in contrarium currunt. Induſia, toralia diutius ſervata, pure, ſordibus impicantur, indureſcunt tetro odore inſciantur, ſqualore pori obſtruuntur, tranſpiratio ſiſtitur, ſindones rigentes cutem inflammata, abraſam, ſauciatam offcndunt, molliores & teneriores partes factæ linteis ſalibus imbutis punguntur atque uruntur, fœtor caput gravat, ſomnus abigitur primum cujuſcumque morbi ſolutum. Munditiem munditiis antecæ nanando non oportet; ſed memineris quanti mundities ad ſanitatẽ tuendam, morbos ſanandos vel arcendos præſtet; quantopere lintea munda & pura omni unitatis ſolutioſi, ut appellant, medendæ conducant. Indicio ſunt ſqualore obſiti ac inter quiſquilias fordeſque degentes. Ii etiamſi rectè valuerint plurimis læſeſſuntur incommodis. Manantibus tabo linteis tetro odore infectis pura ſufficiantur, ut ægri totis non paveant noctibus, ſed ſomno indulgeant, cutis eluatur ac demulceatur, doloreſque ſedentur. Caveas ne perverſæ curationis diſcrimen ſubeas quæ tantum dolorem, cruciatum, periculum aſſert, ut non ſolum animus à factis ſed aures quoque à commemoratione abhorreant.

*Ergo frequentiores atque periculoſiores in Variolis præjudicata Opiniones.*

Domini Doctores diſputaturi.

M. Elias Coſ de Vilars, Scho-  
larum Profeſſor, Regis in  
ejus Caſtelleo Medicus  
Ordinarius.

M. Henricus Beſnier.

M. Joannes Beſſe, Medicus  
Domus Regiæ.

M. Antonius de Juſſieu, Re-  
gia Scientiarum Academia  
Socius & Botanices in Hor-  
to Regio Pariſienſi Profeſ-  
ſor.

M. Joann. Baptiſta Silva, Se-  
reniſſimi Ducis, Borbonii  
Medicus Ordinarius.

M. Joannes-Baptiſta Thomas  
Marineng, Scholarum  
Profeſſor.

M. Philippus Caron, Facul-  
tatis Decanus.

M. Joannes Gelly.

M. Claudius Burlet, Regia  
Scientiarum Academia So-  
cius & Hiſpaniarum Regis  
olim Medicus Primarius.

Proponebat Pariſiis GUILLELMUS-JOSEPHUS DE LESPINE,  
Pariſinus, Baccalaureus Medicus, A. R. S. H. 1724,  
à ſextâ ad meridiem.